

¡BOMBA!

Sobre aviso no hay engaño,
porque ya es mayor la grey;
devotos de la Filey
ya ansiamos el próximo año



K'intsil

Lunes 31 de marzo de 2025

CAMPECHE · YUCATÁN · QUINTANA ROO · AÑO 10 · NÚMERO 2448 · www.lajornadamaya.mx

Dorian Wood tu péeksaj u yóol máax jbin cha'an Teatro Armando Manzanero

Ts'íib yéetel oochel Rodrigo Medina / 22



Xk'aay Dorian Woode', tu ye'esaj tu táan u chuup kúuchil balts'am Teatro Armando Manzanero, u jats'utsil u juum u k'aayo'ob Chavela Vargas, ts'o'oke' tu ts'áaj u yóol ti'al u beetik u k'aajsa'al k'aayo'ob je'el bix Macorina, Se me olvidó otra vez, ichil uláak'o'ob.

Meyaje' tu k'aaba'intaj Xavela Lux Aeterna: La voz de Chavela Vargas, Te'elo', Doriane' chíikpaj yéetel u chak yéetel boox nook'. Ka'alikil u k'aaye' tu k'aajsaaj

Chavela: "juntúul ko'olel kuxlaj le bix tu tukultaj k'a'abéeto', ts'o'oke' tu beetaj ba'ax tu yóotaj", tu ya'alaj. Yéetel u muuk'il u k'aaye', tu k'ayaj Paloma Negra, La llorona, No soy de aquí, ni soy de allá beeta'ab tumen Facundo Cabral, ba'ale' ts'a'aban u ki'il tumen Chavela, beyxan u'uya'ab Gracias a la vida ti'al Mercedes Sosa.

Dorinae' tu ya'alaj jach jats'uts u yilik mexicoil miatsil, ts'o'oke' ki' u yu'ubik u yooxolil yucatanil lu'um.

Te'el súutuko', láak'inta'ab tumen Ensemble de cuerdas ti' Orquesta Sinfónica de Yucatán, guitarra yéetel batería. Doriane' tu ye'esaj xan uláak' k'aayo'ob leti' beetmajil.

Te'el súutuko', Doriane' láak'inta'ab tumen LGBTQ+ wíinik tu kaajil Jo'. T'aanaj ti'al ka yanak yaabilaj yéetel ti'al ka k'amako'ob je'ex unaje', tumen tu ya'alaje', tuláakal máak trans, tumen mantats' táan k-k'éexel. Cha'an tu beetaje', táaka'an ichil u k'iinil Día

Internacional de la Visibilidad Trans, ku k'aajsa'al bejla'a 31 ti' marzo.

Cha'ane' jts'o'ok yéetel u k'aayil Amor eterno, beeta'an tumen Juan Gabriel. Lela', tu k'ayaj ka'alikil u machmaj juncháach loolo'ob js'i'ib ti'. Wa'alaj máak ti'al u papaxk'a'abta'al.

Meyaj ti'al u béeytal cha'ane' tsikbalta'ab ichil u mola'ayil Secretaría de la Cultura y las Artes de Yucatán, Secretaría de las Juventudes de Yucatán, ich múul meyaj yéetel Orquesta Sinfónica de Yucatán.